

Na osnovu člana 15. Zakona o fiskalnim sistemima („Službene novine Federacije BiH“, broj: 81/09) i Pravilnika o registrovanju proizvođača/zastupnika fiskalnih sistema („Službene novine Federacije BiH“, broj: 4/10) Federalno ministarstvo financija - Federalno ministarstvo finansija, objavljuje:

JAVNI POZIV

ZA REGISTROVANJE PROIZVOĐAČA/ZASTUPNIKA FISKALNIH SISTEMA

1. Pozivaju se proizvođači/zastupnici fiskalnih sistema da na osnovu člana 15. Zakona o fiskalnim sistemima („Službene novine Federacije BiH“, broj: 81/09 u daljem tekstu, Zakona) i Pravilnika o registrovanju proizvođača/zastupnika fiskalnih sistema kojeg je propisalo Federalno ministarstvo financija/finansija („Službene novine Federacije BiH“, broj: 4/10; u daljem tekstu Pravilnika) podnesu zahtjev za registrovanje Federalnom ministarstvu financija/finansija.

2. Javni poziv se raspisuje u cilju registrovanja proizvođača/zastupnika fiskalnih sistema koji bi preuzeli sva prava i obaveze od registrovanog proizvođača/zastupnika fiskalnih sistema firme „NEOSOFT COMPUTERS“ DOO Mostar.

Osobine fiskalnih sistema definisane su čl. 6. i 7. Zakona.

Pod proizvođačem/zastupnikom se, u smislu člana 2. Zakona, podrazumijeva domaće pravno lice koje proizvodi fiskalne sisteme i/ili dijelove fiskalnog sistema/zastupa fiskalne sisteme proizvođača.

3. Proizvođači/zastupnici podnose zahtjev za registrovanje, Komisiji za izdavanje i ukidanje odobrenja proizvođačima/zastupnicima fiskalnih sistema Federalnog ministarstva finansija-Federalnog ministarstva financija (u daljem tekstu: Federalno ministarstvo) sa popunjenim formularom za evidentiranje proizvođača/zastupnika fiskalnih sistema - FEPZ, koji je sastavni dio Pravilnika a objavljen je na web stranici Federalnog ministarstva <http://www.fmf.gov.ba/>.

Uz zahtjev i formular za evidentiranje proizvođača/zastupnika fiskalnih sistema - FEPZ, koji se dostavljaju u elektronskoj i printanoj formi, priložiti i sljedeću dokumentaciju:

- 1) Licitaciona garancija u skladu sa članom 15. tačka b) Zakona;

- 2) Rješenje mjerodavnog organa o upisu proizvođača/zastupnika u registar u skladu sa članom 15. tačka c) Zakona;
 - 3) Reference u skladu članom 15. tačka d) Zakona, ukoliko postoje dostaviti u formi pisane izjave;
 - 4) Bilans stanja i bilans uspjeha za prethodnu godinu u skladu sa članom 15. tačka d) Zakona;
 - 5) Podaci o organizaciji distributivne mreže u skladu sa članom 15. tačka e) Zakona i članom 3. Pravilnika;
 - 6) Podaci o organizaciji servisne mreže u skladu sa članom 15. tačka f) Zakona i čl. 4. i 5. Pravilnika;
 - 7) Finansijske ili druge pogodnosti za prodaju fiskalnih sistema obvezniku, ukoliko postoje dostaviti u formi pisane izjave, u skladu sa članom 15. tačka g) Zakona o fiskalnim sistemima;
 - 8) Uvjerenja o izmirenim svim porezima i doprinosima, u skladu sa članom 15. tačka h) Zakona;
 - 9) Potpisan ugovor o prodaji i servisiranju fiskalnih sistema sa proizvođačem i ovlaštenjem sklapanja podugovora (važi samo za pravno lice koje se prijavljuje za registrovanog zastupnika) u skladu sa članom 15. tačka h) Zakona.
4. Na javni poziv se mogu prijaviti sva pravna lica koja ispunjavaju navedene uslove uključujući i registrirane proizvođače/zastupnike fiskalnih sistema, kojima je Federalno ministarstvo izdalo rješenje za registrovanje.
5. Javni poziv se objavljuje u „Službenim novinama Federacije BiH“ i dnevnim novinama „Večernji list“ i „Dnevni avaz“.
6. Javni poziv otvoren je osam dana od dana objave u „Službenim novinama Federacije BiH“.
7. Zahtjev za registrovanje sa kompletnom dokumentacijom dostaviti na adresu Federalnog ministarstva finansija - Federalnog ministarstva financija, ulica Mehmeda Spahe br. 5, 71000 Sarajevo, sa naznakom: „Komisiji za izdavanje i ukidanje odobrenja proizvođačima/zastupnicima fiskalnih sistema“.
8. Neblagovremene i nepotpune prijave neće se uzeti u razmatranje.

Broj: 05-02-1427/13

Sarajevo, mart 2013.godine

MINISTAR

Ante Krajina